

ანტონ ჩეხოვი

კაშტანკა

თავი პირველი

ცუდი ყოფაქცევა

პატარა, წითელი ძაღლი – ტაქსასა და ნაგაზის ჯიშნარევი, – ქუჩაში წინ და უკან დარბოდა და თვალებს მოუსვენრად აცეცებდა. ცხვირ-პირი მელას მიუგავდა. დროდადრო შედგებოდა, აწერუნდებოდა, ხან ერთ გათოშილ თათს ასწევდა, ხან – მეორეს. ვერაფრით მიმხვდარიყო, გზა რამ აუბნია.

ცხადად ახსოვდა, როგორ გაატარა დღე და ბოლოს, როგორ აღმოჩნდა ამ უცნობ ქუჩაში.

დილადრიან მისმა პატრონმა, დურგალმა ლუკა ალექსანდრიჩმა ქუდი დაიხურა, წითელ ხელსახოცში გამოხვეული ხის რაღაც საგანი ამოიიდლიავა და დაიძახა:

– კაშტანკა, წავედით!

თავისი სახელის გაგონებაზე ძაღლი დაზგის ქვემოდან გამოძვრა, იქ ბურ-ბუშელაზე ეძინა, ერთი გემრიელად გაიზმორა და პატრონს გაედევნა. ლუკა ალექსანდრიჩის მუშტერები ძალზე შორს ცხოვრობდნენ. ასე რომ, სანამ თი-თოვეულ მთგანს მოინახულებდა, დურგალს ღონეზე მოსასვლელად სამიკრნოში რამდენჯერმე უნდა შეევლო. კაშტანკას ახსოვდა, რომ გზაში მეტისმეტად ცუდად იქცეოდა, აქალდა, სასეირნოდ წამომიყენესო, გახარებული ხტოდა, კონკის ვაგონებს უყეფდა, ეზოებში შერბოდა და ძაღლებს დასდევდა. როგორც კი თვალს მიეფარებოდა, დურგალი ჩერდებოდა და გაბრაზებული შეუყვირებდა ხოლმე. ერთხელაც გაცეცხლებულმა პატრონმა ძაღლს მელასავით აცეკვეტილ უერში ხელი სტაცა და კბილებში გამოსცრა:

– შენი ჯი...ში კი გა...წყდა, შე ეშმაკის კერძო!

რაკი მუშტერები დაიარა, ლუკა ალექსანდრიჩმა წამით დასთან შეირბინა, სადაც დალიდა და წაიხემსა, შემდეგ ნაცნობ ამკინდაგს ესტუმრა. მერე ისევ სამიკირნოში ამოჰყო თავი, სამიკირნოდან ნათლიმამას მიადგა და ა. შ.

ერთი სიტყვით, როცა კაშტანკა უცნობ ქუჩაში აღმოჩნდა, უკვე სადამოუდებოდა და გვარიანად გამობრუული დურგალი ხელებს იქნევდა, მბიმედ ხვეჭოდა და დუდღუნებდა:

– გვ, ცოდვის შვილები ვართ! ცოდვის შვილები! აგერ ქუჩაში მივაბიჯებთ და ფარნებს შეგცერით, მოვავდებით და – ჯოჯოხეთის ალში დავიხრუავ-ბით...

ხან მოლბებოდა, კაშტანკას მიიხმობდა და ტკბილად ეტყოდა:

– შენ, კაშტანკა, მწერი ხარ და მეტი არაფერი: ადამიანისაგან ისევე განსხვავდები, როგორც დურგალი ხუროსაგან.

ამ საუბარში რომ იყვნენ, ანაზდად მუსიკამ დაიქუხა. კაშტანკამ მიიხედა და დაინახა, ქუჩაში, პირდაპირ მისკენ ჯარისკაცთა პოლკი მოაბიჯებდა. მუსიკა მუდამ ხერვებს უშლიდა, ახლაც ერთ აღგილზე აწრიალდა და აყმუვლდა. ძალიან კი გაუკვირდა, როცა დურგალი იმის მაგივრად, რომ დამფრთხელიყო და შეექეფა, გაიბადრა, წელში გასწორდა და ჯარისკაცებს მხედრულად მიესალმა. კაშტანკა რაკიდა დარწმუნდა, პატრონი უკმაყოფილებას არ გამოთქვამდა, უფრო ხმამაღლა აყმუვლდა, თავი ზაბნეულმა ქუჩა გადაირბინა და მოპირდაპირე ტროტუარზე აღმოჩნდა.

როცა გამოერეკა, მუსიკა აღარსად ისმოდა და აღარც ჯარისკაცები ჩანდნენ, ისევ გადაირბინა ქუჩა, იმ ადგილს მიაშურა, სადაც პატრონს დასცილდა... დურგალი იქ აღარ დახვდა. ახლა წინ გავარდა, მერე ისევ უკან გამოიჭა. ერთხლ კიდევ გადაირბინა ქუჩა, მაგრამ დურგალი თითქოს მიწას ჩაეჭ

ლაპა... კაშტანკამ ფილაქანი დაქნოსა, იქნებ გეში ავიდოო, მაგრამ უფრო ადრე ვიდაც სალახანას რეზინის ახალი კალოშებით გავვლო და უველა სურნელი კაუჩუკის მურალსა და მძაფრ სუნში არეულიყო. ასე რომ, ვერაფერი გამოარჩია.

კაშტანკა წინ და უკან დარბოდა, პატრონს კი ვერა და ვერ პოულობდა. ამასობაში კიდევ დაბინდდა. ქუჩის ორსავე მხარეს ფარნები აინთო. ფანჯრებში შუქი აკიაფდა. დიდრონი, ფაფუკი ფანტელები ცვიოდა და ქაფენილს, ცხენების ზურგებსა და მექტლეთა ქუდებს თეთრად რთავდა. რაც უფრო ბინდდებოდა, მით უფრო გამორჩევით ქათქათებდა საგნები, ქუჩაში არ ილეოდნენ უცნობი მუშტრები, კაშტანკას თვალში ეჩხირებოდნენ, ზოგი ფეხებაც წაჟარავდა ხოლმე (კაშტანკა კაცობრიობას ორ ძალზე არათანაბარ ჯაუფად, პატრონებად და მუშტრებად ყოფდა. ამათ შორის არსებითი განსხვავება ის იყო, რომ პირველთ მისი ცემის უფლება პქონდათ, მეორენი კი თავად უნდა მორიდებოდნენ). მუშტრები სადღაც მიიჩაროდნენ და კაშტანკას არაფრად აგდებდნენ.

როცა სულ მთლად ჩამობნელდა, კაშტანკა სასოჭარკვეთამ და შიშმა აიტანა. რომელიდაც სადარბაზოს შეეყუჟა და მწარედ ატირდა. ლუკა ალექსანდრიჩთან მგზავრობამ დაღალა, ყურები და თათები გაეთოშა. შიმშილმაც გვარიანად შეაწუხა. იმ დღეს მხოლოდ ორჯერ მოუწია ჭამა: ამკინდავთან ცოტოდენი ბუბკო მიირთვა და ერთ-ერთი სამიკიტონოს დახლოან ძეგვის კანს წააწყდა. ეს იყო და ეს. ადამიანი რომ ყოფილიყო, უთუოდ გაიფიქრებდა:

„არა, ასე ცხოვრება შეუძლებელია, თავი უნდა მოვიკლა!“

თავი მეორე იდუმალი უცნობი

მაგრამ კაშტანკა არაფერზე ფიქრობდა, მხოლოდ საწყალობლად ტიროდა. როცა რბილმა, ფაფუქმა თოვლმა თავი და ზურგი დაუფიქქა, ქანცგაწყვეტილს მიღმა თავი წაართვა. უცებ სადარბაზოს კარმა გაიჩხაკუნა, გაიწრია და ფერდში გაჰკრა. კაშტანკა ზეზე წამოვარდა. კარიდან ვიდაც ისეთმა გამოალაჯა, მუშტრების ჯაუფს რომ ეკუთვნოდა, კაშტანკამ დაიწყმუტუნა და უცნობს ფეხებში გაებლანდა. ამიტომ შეუძლებელი იყო, მას არ შეენიშნა მაღლი. უცნობი დაიხარა და ჰკითხა:

— ცუგრი, აქ საიდან გაჩნდი? გეტკინა? ოი, საბრალო, საბრალო... კარგი, ნუ მიწყრები... დამნაშავე ვარ.

კაშტანკამ უცნობს ფიტქდაფენილი წამწამებიდან ამოხედა და დაინახა, რომ მის წინ იდგა ტანდაბალი და მსუქანი, გააპარსული, ფუნქულა პირისახის პატრონი კაცი, რომელსაც ცილინდრი ეხურა და მკერდზე ქურქი გაღელოდა.

— რა გაწყმუტუნებს? — განაგრძო უცნობმა, თან ზურგიდან თოვლი ჩამოუფერთხა. — შენი პატრონი სადღარა? ალბათ დაეკარგე, არა? ეჭ, საბრალო ცუგო! ახლა რა ვქნათ?

რაკიდა უცნობის საუბარში კეთილგანწყობა იგრძნო, კაშტანკამ ხელი აულოკა და უფრო საწყალობლად აწესდებულდა.

— თურმე კარგი, სასაცილო ძაღლი ყოფილხარ! უთხრა უცნობმა. — ზედგამოჭრილი მელა ხარ! რა ვქნა. რა გიყო, მეტი რა გზა მაქვს. წამოდი ჩემთან! იქნება რამეში გამოგადგე... აბა, წამო!

თანაც დაუწეუპუნა და ხელიც ისე დაუქნია, რაც უთუოდ ერთს ნიშნავდა: წამოდიო. კაშტანკა გაჰყვა.

ნახევარი საათის შემდეგ იგი უკაე დიდი, ნათელი ოთახის იატაგზე იჯდა, თავი გვერდზე გადაეხარა და გრძნობამორეული, ცნობისწადილით აღსავსე მზერას არ აცილებდა უცნობს, მაგიდას რომ უჯდა და სადილობდა. კაცი ჭამდა და ძალლსაც უნაწილებდა... ჯერ უცნობმა პურის და ჟველის მწვანე

ქერქი დაუგდო, მერე ხორცის ნაჭერი, ნახევარი ლვეზელი და ქათმის ძვლებიც დაუმატა. დამშეულმა კაშტანკამ ყველაფერი ისე უცებ შესანსლა, რომ საჭმელს გემო ვერც გაუგო. გააფორებით ყლაპავდა მთელ-მთელ ლუკმებს. რაც უფრო მეტს ჭამდა, მით უფრო აწუხებდა შიმშილი.

— ეტერბა, შენი პატრონი რიგიანად ვერ გაჭმევს, — ამბობდა უცნობი, — სული ძლივს გიდგას, ცარიელი ძვალი და ტყავი ხარ...

კაშტანკამ ბევრი ჭამა, მაგრამ ვერ გაძლა, საჭმელმა მხოლოდ თავბრუ დაახვია. სადილის შემდეგ შუა ოთახში გაწვა, ტანი საამოდ მოქთენთა და კუდი ააქიცინა.

სანამ სავარძელში გაშედართული ახალი პატრონი სიგარას ეწეოდა, კაშტანკა კუდს აქიცინებდა და ურთი კითხვა აწვალებდა: ვისთან ჯობდა — უცნობთან ოუ დურგალთან? უცნობის ოთახი ლარიბულად და ულაზათოდ გამოიყერებოდა; სავარძლების, ტახტის, ლამპისა და ხოხების გარდა სხვა არაფერი მოეპოვებოდა, ოთახიც ცარიელი ჩანდა. დურგლის ოთახში კი ტევა არ იყო: მაგიდაც ჰქონდა, დაზგაც, ბურბუშელაც, შალაშინებიც, ხვეწებიც, ხერხებიც, თანაც გალიაში ჭიგჭავი ჰყავდა. პო, გობიც ჰქონდა... უცნობის ბინაში არაფრის სუნი არ ტრიალებდა, დურგალთან კი ყოველთვის ბუდია და წებოს, ლაქისა და ბურბუშელას საუცხოო სურნელი დგას. სამაგიეროდ უცნობს ერთი მეტად მნიშვნელოვანი უპირატესობა აქვს — საჭმელს არ იშურებს, თანაც კაცმა სიმართლე უნდა თქვას, როცა კაშტანკა მაგიდის წინ იჯდა და გულაჩვილებული ახალ პატრონს თვალებში შესციცინებდა, მისთვის არც წისლი უთავაზებია და არც დაუცაცხანებია: დაიკარგე აქედანა.

სიგარა რომ მოსწია, ახალი პატრონი ოთახიდან გავიდა და იმწამსვე შემობრუნდა, ხელში პატარა ლეიბი ეჭირა:

— ჰეი, ცუგო, აქ მო! — დაუმახა და ლეიბი კუთხეში, ტახტოან მისდო, — აქ დაწე, დაიძინე!

შემდეგ ლამპა ჩააქრო და გავიდა. კაშტანკა ლეიბზე გაწვა და თვალები დახუჭა; ქუჩიდან უეფა მოისმა და მასაც მოუნდა გააპასუხება. მაგრამ, ანაზღად სევდა შემოაწვა. ლუკა ალექსანდრიჩი და მისი შვილი ფედიუშკა გაახსენდა, გაახსენდა დაზგის ქვეშ მისთვის მიჩნილი მყუდრო ადგილი... ზამთრის გრძელი საღამოები, როცა დურგალი ფიცრებს აშალაშინებდა, ან გაზეთს კითხულობდა ხმამაღლა. ფედიუშკა, ჩვეულებისამებრ, მასთან თამაშობდა.... უკანა თათებში ხელს ჩავლებდა, დაზგის ქვემოდან გამოათრევდა და ისეთ თინებს უწყობდა ხოლმე, რომ კაშტანკას თვალთ უბინელდებოდა და ყველა სახსარი სტებდა. ბიჭი აიძულებდა, უკანა თათებზე ევლო, ხან კი გეგონება ზარიაო, მაგრად მოქახავდა კუდზე, გამწარებულს აწემუტუნებდა და აყევებდა. ხანაც ბურნუს დააყნოსვინებდა... განსაკუთრებით ერთი ოინი იყო მტანჯველი: ფედიუშკა კანაფზე ხორცის ნაჭრებს გამოაბამდა და კაშტანკას დაუგდებდა, მერე კი, როცა ძაღლი გადაყლაპავდა, ბიჭი სიცილ-ხარხარით უკანვე ამოაცლიდა ხორცის ნაჭერს. რაც უფრო ცხადი იყო მოგონება, მით უფრო ხმამაღლა და ნაღვლიანად წკმუტუნებდა კაშტანკა.

მაგრამ მაღე დაღლილობამ და სითბომ დაჯაბნა მოძალებული სევდა... კაშტანკას ჩაეძინა. ძაღლები ეზმანა; სხვათა შორის, დღეს ქუჩაში ნანახი ბანჯგლიანი, თვალზე ლიბრგადაკრული ბებერი პუდელიც, რომელსაც ცხვირთან ბლუჯაბლუჯა ეკიდა ბალანი. ფედიუშკა სატეხით გამოუდგა პუდელს, მერე უცებ მასაც გამოესხა ბალანი, მხიარულად აყევდა და კაშტანკას მხარში ამოუდგა. კაშტანკამ და ფედიამ დანდობილად დაუქნოსეს ცხვირები ერთმანეთს და ქუჩაში გაიქცენ...

თავი მესამე
ახალი, მეტად სასიამოვნო ნაცნობობა

როცა კაშტანგას გაედვიძა, უკვე გათენებულიყო და ქუჩიდან ხმაური შემოდიოდა. ასე მხოლოდ დღისით ხმაურობს ქუჩა, ოთახში არავინ იყო. კაშტანგა გაიზმორა, დაამთქნარა, გაბრაზებულმა და აღრენილმა ოთახში გაიარგამოიარა. ავეჯი და კუთხე-კუნტულები დაყნოსა. წინკარში შეისხედა და საინტერესოს ვერას წააწყდა. იმ კარის გარდა, წინკარში რომ გადიოდა, კიდევ ერთი კარი იყო. კაშტანგამ ორივე თათით მოფხოჭნა ის კარი, გააღო და მეორე თათაში გავიდა: საწოლზე ფლანელის საბანში გახვეულ მუშტარს ეძინა, კაშტანგამ გუშინდელი უცნობი შეიცნო.

— ღრრრ... — დაიღრინა, მაგრამ მაშინვე გუშინდელი სადილი გაახსენდა და კუდი ააქიცინა.

კაშტანგამ უცნობის ტანსაცმელი და ჩექმები დაყნოსა და დაასკვნა, რომ სამოსელს ცხენის სუნი ასდიოდა. საძინებელი ოთახიდან კიდევ ერთი კარი გადიოდა სადღაც. ისიც მოხურული იყო. კაშტანგამ ეს კარიც მოფხოჭნა, მკერდით მიაწვა, გააღო და მაშინვე უჩვეულო, ძალზე საეჭვო სუნი ეცა. იგრძნო, არასასიამოგნო შეხვედრა რომ მოელოდა. ღრენითა და თვალის ცეცებით იმ თათაში შევიდა, ჭუჭყიანი კედლები რომ ჰქონდა, მაგრამ დაფეოულმა უკანვე დაიხია. რაღაც მოულოდნელი და საზარელი დაინახა, მისკენ მოემართებოდა ნაცარა ბატი, თავი დაბლა დაეხარა და ფრთებგაფარჩხეული სისინებდა. კაშტანგასგან მოშორებით, პატარა ლეიბზე თეთრი კატა იწვა. დაინახა თუ არა კაშტანგა, წამოხტა, აიფხორა, კუდი აპრიხა, ბალანი აებურდგნა და დაიქმუტუნა. ხუმრობა იქით იყოს და ძალი მართლა შექრთა, მაგრამ შიშის გამხელა არ ისურვა, ხმამაღლა აუეფდა და კატას ეცა... კატა უფრო აიფხორა. დაიქმუტუნა და კაშტანგას თავში თათი დაჰკრა. კაშტანგა გვერდზე გახტა, დაცუცქდა, დრუნწი კატისკენ გააღირა და ყეფა ატეხა: ამ დროს ბატი უკანიდან მიეპარა და ზურგში ჩაუნისკარტა. კაშტანგა წამოვარდა და ახლა ბატს ეცა...

— რა ამბავია? — მოისმა გაბრაზებული ხმა და ოთახში ხალათწამოსხმული უცნობი შემოვიდა, კბილებში სიგარა ჰქონდა გაჩრილი, — რა დღეში ხართ? აბა, თქვენ-თქვენ ადგილებზე გასწიო.

კატრონი კატასთან მივიდა, ზურგში წაჰკრა და უთხრა:

— ფიოდორ ტიმოფეიჩ, როგორ იქცევი? ეს რა ომი გაგიმართავთ! აი, შებერე მუდრეებო! დაწე!

მერე ბატს დაუყვირა:

— ივან ივანიჩ, შენი ადგილი მონახე!

კატა მორჩილად გაწვა თავის ლეიბზე და თვალები დახუჭა. ულვაშებზე უტყობოდა, თვითონაც უგმაყოფილო იყო, ასე უცებ რომ აპილპილდა და ჩეუბში ჩაება. განაწყენებული კაშტანგა აწემუტუნდა, ბატმა კისერი წაიგრძელა და გამალებით მოჟყვა ლაპარაკს ცხარედ, მკაფიოდ ლაპარაკობდა, თუმცა მაინც ძალზე გაუგებარი იყო მისი ნაუბარი.

— კარგი, კარგი! — უთხრა პატრონმა და დაამთქნარა. — სიამტკბილობით უნდა იცხოვროთ, — კაშტანგას მიეფერა და განაგრძო, — შენ კი, წითურო, ნუ გეშინია... აქ არავინ გერჩის. მოიცა, მოიცა, შენ რა დაგარქვათ? უსახელოდ ხომ არ იქნები, მმობილო.

უცნობი ჩაფიქრდა და დაუმატა:

— აი, რა... შენ ძალუას დაგარქმევთ... გეეურება? ძალუას!

ახალმა პატრონმა კიდევ რამდენჯერმე გაიმეორა სიტყვა „ძალუა“ და ოთახიდან გავიდა.

კაშტანგამ იქ მყოფნი გულდასმით შეათვალიერა. კატა ლეიბზე უძრავად იჯდა და თავი ისე ეჭირა, ვითომ ეძინა. ბატს კისერი წაეგრძელებინა, ერთ ადგილზე იტკებნებოდა და ისევ სწრაფად და მგზნებარედ ლაპარაკობდა. ალბათ, მეტად ჭკვიანი ბატი იყო; ყოველი გრძელი ტირადის შემდეგ გაოცებული უკან იხევდა და აშკარად ეტყობოდა, თავისსავე ნათქვამს აღტაცებაში მოჰ-

უავდა... კაშტანებამ მოუსმინა და პასუხად მიუგო: „დრორ...“ მერე კუთხეგ-კუნტულები დაყნოსა. ერთ-ერთ კუთხეში პატარა ვარცლს მიაგნო, სადაც დამბალი მუხუდო და ჭვავის პურის ქერქები აღმოჩნდა. კაშტანებამ მუხუდოს გემო გაუსინჯა, არ ეგემრიელა, ახლა პურის ქერქს დასწვდა, მოეწონა და ჭამა განაგრძო. ბატს სრულებითაც არ სწყენია, რომ უცნობი ძაღლი მის ულუფას შეეჭვოდა, პირიქით, უფრო ხმამაღლა ალაპარაკდა, და ნდობა რომ გამოეხატა, თვითონაც პატარა ვარცლთან მივიდა და მუხუდოს რამდენიმე მარცვალი ამოკენება.

თავი მეოთხე იოლი ოინები

მცირე ხნის შემდეგ უცნობი შემობრუნდა, თან რაღაც უცნაური საგანი შემოიტანა. თავისი მოვანილობით ალაყაფის კარსა და რუსულ ასო -ს წაგდა. ამ ხის, უშნოდ გამოხორუნებილი საგნის კადონზე ზარი და პისტოლეტი ეკიდა. ზარის ენაზე და პისტოლეტის სასხლებზე თოკი იყო იყო გამობმული. უცნობმა ოთახის შუაგულში დაღბა, ერთხანს რაღაცას კრავდა, ხსნიდა, შემდეგ ბატს გადახედა და უთხრა:

- ივან ივანიჩ, მობრძანდი!
- ბატი მივიდა და ბრძანების მოლოდინში შორიახლოს გაჩერდა.
- აბა, — თქვა უცნობმა, — სულ თავიდან დავიწყოთ. უპირველეს ყოვლისა, საზოგადოებას მიესალმე! მარდად!
- ივან ივანიჩმა კისერი წაიგრძელა, თავი აქეთ-იქით დაიქნია და ფეხიც გააფრატუნა.
- კარგია, ყოჩალ... ახლა ვითომ მოკვდი!
- ბატი გაგორდა და ფეხები მაღლა აფშიკა. კიდევ რამდენიმე მსგავსი იოლი ოინის შესრულების მერე უცნობმა ანაზღად თავზე ხელები იტაცა, სახეზე მრწოლა გამოეხატა და იყვირა:
- გვიშველეთ! ხანძარია! ვიწვიო!
- ივან ივანიჩმა -სთან მიირბინა, ნისკარტი თოკს ჩაგლო და ზარი ჩამორება.
- უცნობი ძალზე კმაყოფილი დარჩა, ბატს კისერზე ხელი გადაუსვა და უთხრა:
- ყოჩალ, ივან ივანიჩ! ახლა წარმოიდგინე, რომ იუველირი ხარ, ოქროთი და ბრილიანტით ვაჭრობ. პოდა, ერთ მშვენიერ დღეს საკუთარ მაღაზიაში შეხვედი და იქ ქურდებს წაასწარი. ასეთ დროს როგორ მოიქცეოდი?
- ბატმა ახლა მეორე თოკს ჩაჰედა ნისკარტი, მოსწია და მაშინვე გამაყრუებელი სროლის ხმა გაისმა. კაშტანებას ძალზე მოეწონა ზარის წკარუნი, ხოლო გასროლამ ისეთ აღტაცებაში მოიყვანა, რომ -ს გარშემო სირბილსა და ყევას მოჰყვა.
- ძალუა, ახლავე შენს ადგილზე მიდი! — დაუყვირა უცნობმა. — ჩუმად იყავი!

ივან ივანიჩის საქმიანობა გასროლით არ დამთავრებულა. შემდეგ უცნობი მოელი საათი თავის გარშემო დაარბენინებდა. თან შოლტს ატყლაშუნებდა. ბატი თარჯზე უნდა გადამხტარიყო, რგოლშიც უნდა გამმღვრალიყო, ყალყზეაც დამდგარიყო, ე. ი. გაფოფრილ ბოლოზე დაცუცქდებოდა და ფეხებს აქნევდა. კაშტანება ივან ივანიჩს თვალს ვერ აცილებდა, აღტაცებული წაგწავებდა, რამდენჯერ უკან გამოუდგა კიდეც ყეფით, როცა უცნობმა ბატს სიქა გააცალა და თვითონაც არაქათი გამოელია, გახვითქველი შუბლი მოიწმინდა და დაიძახა:

- მარია, ერთი ხავრონია ივანოვნას სთხოვე!

მცირე ხნის შემდეგ დრუტუნი მოისმა... კაშტანკამ დაიღრინა. შეეცადა თავი მამაცურად დაქვირა და ყოველი შემთხვევისათვის უცნობთან ახლოს მიიწიდ. კარი გაიღო, ოთახში ვიღაც დედაბერმა შემოიხედა, რაღაც ჩაიღაპარაკა და შავი, ძალიან უშნო ღორი შემოუშვა. ღორმა კაშტანკას დრენას ყურადღება არ მიაქცია. დინგი ააღირა და მხიარულად აღრუტუნდა. ეტყობოდა, ძალზე სიამოვნებდა თავისი პატრონის, კატისა და ივან ივანიჩის თავშეეყრილობა. იგი ჯერ კატასთან მივიდა და დინგი მეგობრულად ამოსცხო მუცელში, მერე ბატს გადაულაპარაკა რაღაც. მისი საჭირელი, ხმა, მეტადრე კი პატარა კუდის ქიცინი უზომო კეთილგანწყობას გამოხატავდა, კაშტანკა მაშინვე მიხვდა, რომ აქ დრენა და ყეფა სულ არ იყო საჭირო.

პატრონმა გაიტანა და დაიძახა:

— ფიოდორ ტიმოფეიჩ, გთხოვ!

კატა წამოდგა, ზანტად გაიზმორა და უხალისოდ, თითქოს ვიდაცას რამეს ამადლისო, ღორთან მივიდა.

— აბა, ეგვიპტური პირამიდით დავიწყოთ! — გამოაცხადა პატრონმა. იგი კარგა ხანს სამივეს რაღაცას დაწვრილებით უხსნიდა. შემდეგ კი ბრძანა: — „ერთი... ორი... სამი!“ სიტყვა „სამზე“ ივან ივანიჩმა ფრთხი აიქნია და ღორს ზურგზე შეახტა... როცა წონასწორობა დაიცვა და გამაგრდა, ფიოდორ ტიმოფეიჩ უხალისოდ შეასკუპდა ღორს, თან ისეთი იერი ჰქონდა, თითქოსდა ურელივე სხაგდა და თავის ოსტატობას კაპიკადაც არ აგდებსო. შემდეგ უხალისოდ, ზოზინით ბატს ზე მოექცა და უკნა თათებზე დადგა. წარმოადგინეს ის, რასაც უცნობი ეგვიპტურ პირამიდას უწინდებდა. კაშტანკამ აღტაცებისაგან შეპყეფა. მაგრამ ამ ღორს ბებერმა კატამ დაამთქნარა, წონასწორობა დაკარგა და ჩამოვარდა. ივან ივანიჩიც შექანდა. ისიც ჩამოვარდა. უცნობმა შეჭყირა, ხელების ქნევასა და კვლავ რაღაცის ახსნა-განმარტებას მოჰყვა.

დაუცხრომელმა პატრონმა პირამიდა მთელი საათი აჯახირა, მერე ივან ივანიჩის უხიჩინა, როგორ უნდა ამხედრებულიყო კატაზე, ბოლოს კი კატას პაპიროსის მოწევა შეასწავლა.

მეცადინეობა იმით დასრულდა, რომ უცნობმა შუბლიდან ოფლი მოიწმინდა და ოთახიდან გავიდა. ფიოდორ ტიმოფეიჩმა დაიფრუტუნა, ლეიბზე გაწვა და თვალები დახუჭა. ივან ივანიჩმა პატარა ვარცლს მიაშურა. ღორი კი დუდაბერმა გაიყვანა.

უამრავი ახალი შთაბეჭდილების წყალობით კაშტანკასათვის დღე შეუმწნევლად მიიღია, საღამო უამს კი თავის ლეიბიანად იმ ოთახში დააბინავეს, ჰუჭყიანი კედლები რომ ჰქონდა, და დამე ფიოდორ ტიმოფეიჩსა და ბატონ ერთად გაათია.

თავი მეხუთე ტალანტია! ტალანტი!

გავიდა ერთი თვე.

კაშტანკა უპვე მიეჩვია იმას, რომ ყოველ საღამოს გემრიელი სადილით უმასპინძლდებოდნენ და ძალუას ეძახდნენ, მიეჩვია უცნობსაც და თავის ახალ სახლეულსაც. ცხოვრება აეწყო.

ყოველი დღე ერთნაირად იწყებოდა. ჩვეულებრივ, ყველაზე ადრე ივან ივანიზი გაიღვიძებდა და მაშინვე ძალუასთან მივიდოდა ან კატასთან, კისერს წაიგრძელებდა და რაღაცაზე ცხარედ და დამაჯერებლად მოჰყვებოდა ლაპარაკს, მაგრამ კვლავ გაუგებარი იყო მისი ნათქვამი. ზოგჯერ თავს ააღერებდა და გრძელ მონოლოგებს წარმოთქამდა. ნაცნობობის პირველ დღეებში კაშტანკა ფიქრობდა, ალბათ იმიტომ ლაპარაკობს, რომ ძალზე ჰქვიანიაო. მაგრამ გამოხდა ხანი და კაშტანკამ მისადმი რიდი და პატივისცემა დაკარგა: როცა ივან ივანიზი თავისი გრძელი მოხსენებების წასაკითხად მიუახლოვდე

ბოდა, კაშტანები კუდს კი აღარ აქიცინებდა, პირიქით, აბუჩად იგდებდა ამ თავმომაბეზრებელ მოლაფებს, ძილს რომ არავის აცდიდა და მოურიდებლად შეუდრენდა ხოლმე.

ფიოდორ ტიმოფეიჩი კი სულ სხვა ყაიდის ბატონი ბრძანდებოდა. გაიღვი-ძებდა თუ არა, გაისუსებოდა. იჯდა უძრავად, თვალებსაც კი არ გაახელდა. მისი ნება რომ ყოფილიყო, სულ არ გამოიღვიძებდა, რადგან ცხოვრებაზე გუ-ლაყრილი ჩანდა. არაფერი აინტერესებდა. ყველაფერს ზანტად და უგულოდ ეკიდებოდა, ყველაფერი სძაგდა. თავისი წილი გემრიული სადილის მერეც კი გულამრეზილი ფრუტუნებდა.

გაიღვიძებდა თუ არა, კაშტანები თოახებში სიარულსა და კუთხე-კუნჭულე-ბის ყნოსვას მოჰყვებოდა. მარტო კაშტანებისა და კატას ჰქონდათ ასე თავი-სუფლად სიარულის უფლება; ბატს სადგომის ზღურბლზე გადმობიჯება ეპ-რძალებოდა. ხავრონია იგანოვნა სადღაც ეზოში, ფარდულში ცხოვრობდა და მხოლოდ მეცადინეობის დროს გამოჩნდებოდა ხოლმე. პატრონი გვიან დგებო-და, ჩაის დალევდა და მაშინვე თავის თინებს იწყებდა. თოახებში შემოჰქონდათ , შოლტი, რგოლები და ყოველ ცისმირე დღე თითქმის ერთი და იგივე მეორ-დებოდა, მეცადინეობა სამი-ოთხი საათი გრძელდებოდა, ასე რომ, ზოგჯერ დაღლილობისაგან ფიოდორ ტიმოფეიჩი მთვრალივით ბანცალებდა, იგან ივა-ნიჩი ნისკარტს დაადებდა და ღრმად სუნთქვდა, წამოჭარხლებულ პატრონს კი ვერა და ვერ მოეწმინდა გახვითქული შუბლიდან ოფლი.

მეცადინეობა და სადილი დღეებს უხალისებდათ, სადამოები კი ერთობ მოსაწყენი იყო. ჩვეულებრივ, სადამობით პატრონი სადღაც მიდიოდა, თან ბატი და კატა მიჰყავდა. მარტო დარჩენილი კაშტანები ლეიბზე იწვა და გული ელეოდა... სევდა როგორდაც შეუმჩნევლად წამოეპარებოდა და თანდათან ისე იპყრობდა, ვით ბინდი თოახს. ძალლს ჯერ ყეფის, ჭამის, თოახებში სირბილი-სა და უბრალოდ, ცქერის სურვილიც კი ეკარგებოდა, მერე მის წარმოსახვას ორი ბუნდოვანი არსება ეწვეოდა. თუმცა ვერ გაერჩია, ძალლები იყვნენ თუ ადამიანები, სანდომიანი, ძვირფასი სახეები წარმოუდგებოდა, მაგრამ ვეღარ შეეცნო; იმათ გამოჩენას ძალუა კუდის ქიცინით ხვდებოდა, ეჩვენებოდა, რომ ისინი თდესლაც, სადღაც უნახავს და ჰყვარებია... ჩაძინების ჟამს კი მუდამ გრძნობდა, რომ იმათ ლაქის, ბურბუშელისა და წებოს სუნი ასდიოდათ.

როცა კაშტანები თითქმის შეეგუა ახალ ცხოვრებას და გაძვალტყავებული ქოფაკი მაძღარ, მოვლილ-ნაპატივებ ძალლად იქცა, ერთხელაც, მეცადინეობის დაწყების წინ, პატრონი მიეფერა და უთხრა:

— ძალუა, დროა საქმეს ვეწიოთ, გეყოფა უქმად ყოფნა. მსახიობი უნდა გამოგიყვანო... გინდა?

და თინების სწავლება დაუწყო. პირებლ გააგეთილზე კაშტანები უქანა თა-თებზე დგომასა და სიარულს სწავლობდა, რაც ძალიან მოსწონდა, მეორე გაკვეთილზე უკანა თაოებზე მდგარი უნდა ამხტარიყო და შაქარს მისწვდო-მოდა, მის თავს ზემოთ რომ ეჭირა მასწავლებელს. შემდგებ გაკვეთილებზე უკვე ცეკვავდა, ყმუილს აყოლებდა მუსიკას, ზარს რეკავდა და პისტოლებს ისროდა. ერთი თვის მერე კი შეეძლო „ეგვიპტურ პირამიდაში“ წარმატებით შეეცვალა ფიოდორ ტიმოფეიჩი. ხალისით სწავლობდა და თავისი წარმატებე-ბით კმაყოფილი იყო; ენაგადმოგდებული სირბილი კორდით, როლში გაძ-რომ-გამოძრომა და ბეჭერი ფიოდორ ტიმოფეიჩის გაჭენება უდიდეს სიამოვნე-ბას ჰგვრიდა ძალუას. ყოველ მარჯვედ შესრულებულ ოინს ხმამადალი, აღ-ფრთოვნებული ყეფით ხვდებოდა. მასწავლებელსაც უკვირდა და აღტაცებუ-ლი ხელებს იფშვნებდა:

— ტალანტია! ტალანტი! — გაიძახოდა პატრონი, — უეჭველი ტალანტია! დიდი წარმატება გელის, წყალი არ გაუგა!

ძალუაც ისე მიეჩვია „ტალანტი“, რომ ყოველთვის, როცა პატრონი ამ სიტყვას წარმოოქვამდა, ზეზე წამოვარდებოდა და აქეთ-იქით იცქირებოდა, თითქოს „ტალანტი“ რქმეოდეს.

თავი მეექვსე შფოთიანი დამე

ძალუას უქმური სიზმარი ეზმანა, ვითომ მეეზოვე მოხდევდა ცოცხით და შემინებულს გამოვდვიძა.

ოთახში სიბნელე და სიჩუმე იდგა. სუნთქვა ჭირდა, უმოწყალოდ იკბინებოდნენ რწყილები, ადრე ძალუას არასოდეს შინებია სიბნელის, მაგრამ ახლა რატომდაც ძრწოლამ აიტანა და დაყევება მოუნდა. მეზობელ ოთახში ხმამალ-ლა ამოიხვენეშა პატრონმა, ცოტა ხნის შემდეგ კი თავის ფარდულში ღორმა დაიღრუტუნა და კვლავ სიჩუმემ დაისადგურა. საჭმელზე ფიქრი ამშვიდებდა ხოლმე და ძალუამაც გაიხსენა, როგორ მოპარა დღეს ქათმის ფეხი ფიოდორ ტიმოფეის და სასტუმრო ოთახში კარადის უკან გადამალა. იქაურობას აბლაბუდა და მტვერი მოსძალებოდა. ახლა ურიგო არ იქნებოდა, ენახა: რა ბედი ეწია ქათმის ფეხს? სავსებით შესაძლებელი იყო პატრონს ეპოვა და შეჯჭამა, მაგრამ დილამდე ოთახიდან გასვლა არ შეიძლებოდა. მალე რომ ჩასძინებოდა, ძალუამ თვალი დახუჭა. გამოცდილებით იცოდა, რაც მალე დაიძინებდა, მით უფრო ჩქარა გათენდებოდა. ანაზდად, შორიახლო უცნაური ყვირილი გაისმა, რამაც შეაკრთო და აიძულა ფეხზე დამდგარიყო. ივან ივანიჩი ყვირილა და ეს აღარ ჰგავდა მოლაქე, თავდაჯერებული ბატის წინანდებურ ყიყინს. რადაც ველური, გამკივანი და უწვეულო, ჭიშკრის ჭრიალივით გაისმა სიბნელეში. წყვდიადში ძალუამ ვერა გაარჩია და ვერც ვერაფერი იაზრა, მაშინ უფრო მოეძალა შიში და დაიღრინა:

— დრორ...

გავიდა მცირე ხანი, იმდენი, რამდენიც გვარიანი ძვლის დახვრას სჭირდებოდა: ყვირილი არ განმეორებულა. ძალუა თანდათან დამშვიდდა და ჩათვლიმა. ორი დიდი, შავი ძაღლი დაესიზმრა, ბარძაყებსა და ფერდებზე ბლუჭა-ბლუჭა რომ შერჩენოდათ შარშანდელი ბალანი. ძაღლები დიდი გობიდან ხარბად თქვლეულენენ ნარცის, იქიდან თეთრი ორთქლი და ძალზე ტკბილი სურნელი მოდიოდა. ღროდადღო ძაღლები მოხედავდნენ ძალუას, კბილებს უკრეჭდნენ და იღრინებოდნენ — შენ არაფერს დაგიომობთო. ამ დროს სახლიდან გლეხი გამოვარდა: მათრახით გაფარა ისინი, მაგრამ როგორც კი გლეხი კარს მიეფარა, ორივე ძაღლი დრიალით მოუვარდა ძალუას. ანაზდად, კვლავ გამკივანი ყვირილი გაისმა.

— ყი-ყი! ყი-ყი! — დაიყვირა ივან ივანიჩმა.

ძალუას გამოვდვიძა, წამოხტა და ლეიბიდან არც გადმოსულა, ყეფა ატეხა. ძალუას უკვე ეჩვენებოდა, რომ ივან ივანიჩი კი არა, ვიდაც სხვა, უცხო ყვირილა. გარეთ ფარდულში რატომდაც კვლავ დაიღრუტუნა ღორმა.

ამ დროს ფეხსაცმლის ფრატუნი მოისმა და ოთახში ხალათწამოსხმული პატრონი შემოვიდა, ხელში სანთელი ჟჭირა. მკრთალი შუქი ჭუჭყიან კედლებსა და ჭერზე ალიცლიცდა, სიბნელე განდევნა. ძალუა დარწმუნდა, რომ ოთახში უცხო არავინ იყო. ივან ივანიჩი იატაკზე იჯდა, არ ეძინა, ფრთები გაეფარჩხა, ნისკარტი დაეფინა და, საერთოდ, ისეთი იერი ჰქონდა, თითქოს გადაქანცულიყო და სწყუროდა. არც ბებერ ფიოდორ ტიმოფეის ეძინა, უთუოდ ისიც ყვირილმა გამოაღვიძა.

— ივან ივანიჩ, რა დაგემართა? — ჰკიოთხა პატრონმა ბატს. — რა გაყვირებს? ავად ხომ არა ხარ?

ბატი დუმდა. პატრონმა კისერზე მოავლო ხელი, მერე ზურგზე გადაუსვა და უთხრა:

— დიდი უცნაური ვინმე ხარ. არც თვითონ გძინავს და არც სხვას აძინებ.

როცა პატრონი წავიდა და სინათლე თან გაიყოლა, ისევ სიბნელე ჩამოწევა. ძალუა შიშმა აიტანა. ბატი აღარ ყვიროდა, მაგრამ კაშტანკას კვლავ ეწვენებოდა, რომ სიბნელეში ვიდაც უცხო იდგა. ყველაზე შემზარავი კი ის გახლდათ, რომ ამ უცხოს ვერ უკბენდა. რადგან უჩინარი და უსხეულო იყო. ძალუა რატომდაც ფიქრობდა, ამ დამეს უცილოდ რაღაც ძალზე ცუდი ამბავი უნდა მოხდეს. ფიოდორ ტიმოფეიჩიც ვერ ისვენებდა. ძალუას ესმოდა, კატალეიბზე წრიალებდა, ამთქნარებდა და თავს იბერტყავდა.

სადღაც, ქუჩაში, პარზე დააკაპუნეს და ფარდულში ღორმა დაიღრუბუნა. ძალუამ დაიწემუტუნა, წინა თათები გამოშალა და თავი ზედ ჩამოდო. კარზე კაპუნმა, ღორის ღრუტუნმა, ჩამომდგარმა სიბნელემ და სიჩუმემ ძალუას რაღაც სევდიანი და შემზარავი წინათგრძნობა განუახლა. სწორედ იმგვარი, ივან ივანიჩის ყვირილმა რომ განაცდევინა. ირგვლივ შფოთი და წუხილი გამეფებულიყო, მაგრამ რის გამო? ვინ იყო ის უცხო, ის უჩინარი? ძალუას ცხვირწინ წამით ორი მქრქალი მწვანე ნაპერწკალი აინთო. მთელი ნაცნობობის მანძილზე ეს პირველად იყო, რომ ფიოდორ ტიმოფეიჩი კაშტანკასთან მივიდა. ნება რა უნდოდა? ძალუამ კატას თათი აულოკა, არც უკითხავს, რის-თვის მოხვედოო, ისე მოჟყვა უთავბოლო წკავწკავს.

— უ-უ! — დაიყვირა ივან ივანიჩმა. — უ-უ-უ!

კარი კვლავ გაიღო და პატრონი შემოვიდა, ხელში სანთელი ეჭირა. ბატი წინანდებურად ნისკარტდაბეჭინილი და ფრთხებადაფარჩხელი იჯდა, თვალები დაეხუჭა.

— ივან ივანიჩ! — დაუძახა პატრონმა.

ბატი არ განძრეულა, პატრონი იატაკზე დაჯდა, ერთხანს უხმოდ შეპყურებდა ბატს.

— ივან ივანიჩ! რა დაგემართა? კვდები? ვაი, ახლა გამახსენდა, გამახსენდა! — წამოიყვირა და თავზე ხელები იტაცა, — ვიცი, რაც არის შენს თავს! დღეს ხომ ცხენმა დაგადგა ვეხი!.. დმერთო, დმერთო!

ძალუას არ ესმოდა, რას ამბობდა პატრონი, მაგრამ სახეზე ატყობდა, რაღაც საშინელის მოლოდინს შეეპყრო. კაშტანკამ ღრუნები ჩაბნელებული ფანჯრისაკენ გააღირა, რომელსაც თითქოს ვიდაც უცხო მოსდგომოდა, და აყმუვლებდა.

— ჩვენი ივან ივანიჩი კვდება, ძალუა! — პატრონმა ხელები გაასავსავა. — ჰო, ჰო, კვდება! თქვენ სადგომს სიკვდილი ეწვია! რაღა ვქნათ ახლა?

ფერნაცვალმა, აღელვებულმა პატრონმა უიმედოდ გადააქნია თავი და ვიშვიშით თავის საძინებელში გავიდა. ძალუას სიბნელეში დარჩენის შეეშინდა და უკან გაედევნა, პატრონი საწოლზე ჩამოჯდა და რამდენჯერმე გაიმეორა:

— დმერთო ჩემო, რაღა ვქნა?

ძალუა პატრონის სიახლოვეს დაბორიალებდა და ვერ მიმხვდარიყო, რა ნაღველს დაეთრგუნა იგი, რა აშფოთებდა. ცდილობდა, მიზეზი ამოეცნო და პატრონს თვალს არ აცილებდა.

პატრონის საძინებელ ოთახში ფიოდორ ტიმოფეიჩიც შემოვიდა, რომელიც, საერთოდ, იშვიათად თუ შეელეოდა თავის ლეიბს. კატა თავს იბერტყავდა, თითქოს მძიმე ფიქრების გაფანტვა სურდა, თან საწოლქვეშ იჭგნებულად იცქირებოდა.

პატრონმა პირსაბანიდან წყალი ჩამოასხა და ისევ ბატოან გავიდა.

— დალიე, ივან ივანიჩ! — უთხრა ალერსიანად და ლამბაქი წინ დაუდგა. — დალიე, ჩემო კარგო!

მაგრამ ივან ივანიჩი არ განძრეულა და არც თვალი გაუხელია. პატრონმა თავი დაუწია და ნისკარტი წყალში ჩააყოფინა, მაგრამ ბატმა არც წყალი დალია, კიდევ უფრო გაფარჩხა ფრთები, თავი კი ისევე დარჩა, ლამბაქზე ჩამოდებული.

— არა, აღარაფერი ეშველება! — ამოიოხერა პატრონმა, — ყველაფერი გათავდა, წასულია ივან ივანიჩის საქმე.

ამის თქმა იყო და პატრონს დაწებზე მბრწყინავი წვეთები ჩამოუგორდა, სწორედ ისეთი, წვიმის დროს რომ მოგორავს ხოლმე ფანჯრის მინებზე. ძალუა და ფიოდორ ტიმოფეიჩი ვერ მიმსვდარიყვნენ, რა ხდებოდა, პატრონს ეკვროდნენ და ზარდაცემულნი შესცექეროდნენ ბატს.

— საბრალო ივან ივანიჩი! — იმეორებდა პატრონი, თან მწუხარედ ხვნეშოდა, — მე კი ვოცნებობდი, გაზაფხულზე აგარაკზე წავიყვან და იქ მწვანეზე ერთად ვისეირნებო-მეთქი. ივან ივანიჩ, ჩემო კეთილი მეგობარო, შენ აღარ ხარ! რადა ვენა უშენოდ?

ძალუას ეჩვენებოდა, რომ მასაც იგივე ბედი ეწერა, ანუ ისიც ივანიჩის მსგავსად, გაურკვეველი მიზეზის გამო, დახუჭავდა თვალებს, ფეხებს გაფშევდა, კბილებს დაკრეჭდა და ყველანი შეძრწუნებულ მზერას მიაპყრობდნენ. ეტყობოდა, ფიოდორ ტიმოფეიჩისაც იგივე ფიქრები უტრიალებდა, ადრე არასოდეს ყოფილა ბებერი კატა ასე დადვრემილი და კუშტი.

თენდებოდა. აღარსად იყო უცხო ჩვენება, ასე რომ აფრთხობდა ძალუას. კარგად გათენდა, მეეზოვე მოვიდა, ბატს ფეხებში ჩაავლო ხელი და სადღაც წაიღო. ცოტა ხნის მერე ბებრუსანა შემოვიდა და პატრო გარცლი გაიტანა.

ძალუა სასტუმრო ოთახში გავიდა და კარადის უკან შეიხედა: ქათმის ფეხისთვის ხელი არავის ეხლო, იქვე იდო, მტკერსა და აბლაბუდაში. მაგრამ კაშტანებს მოწყენილობა და სევდა დაუფლებოდა, არც კი დაყნოსა ქათმის ფეხი, დივანქვეშ შეძვრა და საწყალობლად აწკავწკავდა.

თავი მეშვიდე უიღბლო დებიუტი

ერთ მშვენიერ საღამოს პატრონი ეახლათ და ხელების ფშვნეტით თქვა:

— აბა-ა...

კიდევ რაღაცის თქმა სურდა, მაგრამ უთქმელად გატრიალდა. ძალუა, რომელმაც გაკვეთილების დროს ჩინებულად შეისწავლა პატრონის ხახის გამომტებულება და ლაპარაკის კილო, მისვდა, რომ იგი აღელვებული, შეწუხებული და მგონი გულმოსულიც იყო.

მცირე ხნის შემდეგ პატრონი შემობრუნდა:

— დღეს თან წავიყვან ძალუას და ფიოდორ ტიმოფეიჩის. ძალუა, ეგვიპტურ პირამიდაში დღეს შენ შეცვლი განსვენებულ ივან ივანიჩს. ეშმაკმა დალახვროს! არაფერი გვაქვს მომზადებული, შესწავლილი, რეპეტიციებიც ცოტა გვქონდა, თავი მოგვეჭრება, ჩავფლავდებით.

შემდეგ ისევ გავიდა და სულ მაღლ ქურქსა და ცილინდრში გამოწყობილი დაბრუნდა. კატასთან მივიდა, წინა თათებში ხელი ჩაავლო, აიყვანა და ქურქქვეშ შეისვა. ფიოდორ ტიმოფეიჩი ყველაფრისადმი ძალზე გულგრილი ჩანდა. თვალის გახელაც კი არ უცდია. მისთის თითქოს სულ ერთი იყო: იწვებოდა, თუ უკანა თათებით ზე ასწვევდნენ, ლეიბზე ინებივრებდა თუ ქურქქვეშ, პატრონის უბეს შეეყუებოდა...

— ძალუა, წავიდეთ! — უთხრა პატრონმა.

ძალუას ვერ გაეგო, რა ხდებოდა, და პატრონს კუდის ქიცინით მიპყვა. მალე კაშტანება მარხილში პატრონის ფერხთით იჯდა და უერს უგდებდა სიცივისა და მდელვარებისაგან მობუზული კაცის ბუტბუტს:

— თავი მოგვეჭრება! ჩაგფლავდებით!

მარხილი ერთ ისეთ ვეებერთელა, უცნაურ სახლთან გაჩერდა, გადმოპირქვებულ საწვნეს რომ წააგავდა. სახლის გრძელი, სამკარიანი სადარბაზო ერთი ღუჟინი ფარნებით გაეგაშკაშებინათ. კარი ხმაურით იღებოდა და სა-

დარბაზოს წინ მორიალე ხალხს ნოქავდა. ხალხი ბლომად იყო, სადარბაზოსთან ხშირად ცხენებიც მოირბენდნენ ხოლმე, ძაღლები კი არსად ჩანდნენ.

პატრონმა ძალუა აიყვანა და ქურქქვეშ უბეში ჩაისვა, ფიოდორ ტიმოფეიზი უკვე იქ იყო. ქურქქვეშ ბნელოდა და სუნთქვა ჭირდა. სამაგიეროდ თბილოდა, უცებ ორმა ქქრქალმა ნაპერწალმა გაკვესა – მეზობლის ცივი და ხეშეში თათების მიკარებამ თუ შეაწუხა კატა, – თვალი გაახილა. ძალუამ კატას უური აულოკა, შეეცადა, რაც შეიძლებოდა, უკეთ მოკალათებულიყო და მოუსვენრად აწრიალდა. კატა ცივი თათებით მიჭებება და ქურქიდან უნებლივთ თავი გამოყო, მაგრამ დაიღრინა და უკანვე შეძვრა, მოეზვენა, უზარმაზარი, მკრთალად განათებული ოთახი ურჩეულებით გატენილიყო, ტიხენებიდან და ორივე მხარეს გაყოლებული ხარისხიდან საშინელი სახეები დაინახა: ცხენების, რქოსანთა, დიდყურათა და ერთიც ვეება სახე, ცხვირის ადგილას კუდი რომ ება და პირიდან ორი გრძელი შემოხრული ძვალი გამოსხროდა.

ძალუას თათებეშ მოკუნტულმა კატამ ხრინწიანად დაიკავლა, სწორედ ამ დროს პატრონმა ქურქი შეისხნა. „პო“ დაიძახა და ფიოდორ ტიმოფეიზი და ძალუა იატაკზე ჩამოხტნენ. ისინი პატარა, ფიცრულ ოთახში აღმოჩნდნენ. აქ პატარა სარკიანი მაგიდის, ტაბურეტისა და კუთხეებში გაკიდული ჩვრების გარდა სხვა არავითარი ავეჯი ამ მოიძევებოდა: კედლის გასწვრივ ფარანის თუ სახოლის მაგიერ ჩასობილი მილაკი კაშკაშა მარაოსებრ შუქს აფრქვევდა.

ფიოდორ ტიმოფეიზმა ბეწვი გაილოკა, ძალუამ რომ მოუთელა, მერე ტაბურეტებეშ შეძვრა და გაწვა. პატრონი ჯერ ისევ დელავდა და ხელებს იფშვნებდა, თან ტანსაცმელს იხდიდა... გაიხადა, როგორც საერთოდ იხდიდა ხოლმე ძილის წინ, სანამ ფლანელის საბანქეშ შეგორდებოდა. ერთი სიტყვით, საცვლების ამარა დარჩა. შემდეგ ტაბურეტზე ჩამოჯდა, სარკეში იყურებოდა და სასწაულმოქმედებდა. უწინარეს ყოვლისა, თავზე პარიკი ჩამოიცვა, შუაზე გადაყოფილი და წყვილ რქასავით აღერებული. მერე სახეზე სქლად წაისვა თეთრი საღებავი და ზედ კიღევ წარბები, ულვაშები და დაუდაქა ლოკები დაიხატა. მისი გნაზრახი ამით არ დამთავრებულა. პირისახე და კისერი რომ გაითხუპნა, მერე რაღაცნაირ უჩვეულო კოსტიუმში გამოეწყო, რომლის მსგავსი ძალუას არასოდეს ენახა, არც სახლებსა და არც ქუჩაში. წარმოიდგინეთ, დიდრონი ყვავილებით მოხატული, ჩითის ფარფაშა შარვალი, ზუსტად იმ ჩითისა, მეშჩანები საფარდედ და ავეჯის გადასაკრავად რომ იყენებდნენ. შარვალი თითქმის იდლიებთან იკვრებოდა: ცალი ტოტი ყავისფერი ჩითისა იყო, მეორე – ლია ყვითელი ფერისა. ამ ტანსაცმელში ჩაფლულმა პატრონმა კიდევ სხვადასხვა ფერის ყელიანი წინდები, მწვანე ფეხსაცმელი და ჩითის ქურთუკი ჩაიცვა: ქურთუკს დიდი, დაკბილული საყელო ჰონდა და ზურგზე ოქროს ვარსკვლავი ეხატა...

ძალუას თვალი აუჭრელდა, ამ თეთრპირისახიან, ჩანჩურა კაცს პატრონის სუნი უდიოდა, ხმაც ნაცნობი ჰქონდა, მაგრამ ზოგჯერ ძალუას ეჭვი აწვალებდა და მაშინ მზად იყო, ამ ზიზილ-პიპილა არსებას გაქცეოდა და ყევა აეტება. ახალი გარემო, მარაოსებრი შუქი, პატრონის სახეცვალება – ყოველივე ეს გაურკვეველ შიშსა და ისეთ წინათგრძნობას უღვიძებდა, რომ უსათუოდ რაღაც საშინელებას გადაეყრებოდა, სწორედ ისეთს, მსუქან სახეზე ცხვირის ადგილას კუდი რომ ება. ამას ისიც ემატებოდა, რომ სადღაც შორს, კედლის მიღმა საძულველი მუსიკა უკრავდა და დროდადრო გაუგებარი დრიანცელი მოისმოდა. მხოლოდ ფიოდორ ტიმოფეიზის უმფოთველობა აწყნარებდა ძალუას. იგი მშვიდად თვლებდა ტაბურეტებეშ და თვალებს მაშინაც კი არ ახელდა, როცა ტაბურეტი გადაადგილებისას გაბრახუნდებოდა ხოლმე.

ოთახში ფრაკსა და თეთრ ჟილეტში გამოწყობილმა კაცმა შემოიხედა და თქვა:

– ახლა მის არაბელი გამოდის. შემდეგ კი თქვენი რიგია.

პატრონმა არაფერი უპასუხა. მაგიდის ქვემოდან ვეება ჩემოდანი გამოათ-რია, ჩამოჯდა და დაელოდა. ტუჩებსა და ხელებზე ეტყობოდა, დელავდა, ძა-ლუას ესმოდა მისი არათანაბარი სუნთქვა.

— მისტერ ჟორჟ, გთხოვთ! — დაიყვირა ვიღაცამ კარს მიღმა.

პატრონი წამოდგა და სამგზის გადაიწერა პირჯვარი, მერე ტაბურეტის ქვემოდან კარა გამოიყვანა და ჩემოდანში ჩასვა.

— ძალუა, მოდი! — უთხრა პატრონმა ხმადაბლა.

ძალუას ვერაფერი გაეგო, რა ხდებოდა, პატრონმა ძალუას თავზე აკოცა და ფიოდორ ტიმოფეის გვერდით მიუსვა, მერე ჩამობნელდა... ძალუა კატას ეხეოქებოდა, ჩემოდნის კედლებს ფხოჭნიდა და შიშისაგან კრინტი ვერ დაექ-რა. ჩემოდანი კი, როგორც ტალღებზე, ისე ქანაობდა და ძაგაბებდა...

— აი, მეც აქა ვარ! — დაიყვირა პატრონმა. — აი, მეც აქა ვარ!

ძალუამ იგრძნო, ამ ყვირილის მერე ჩემოდანი რაღაც მაგარს რომ მოხვდა და გაჩერდა. აღარ ქანაობდა, მოისმა ლრიალი: ვიღაცას ტაშს უკრავდნენ. და ის ვიღაცა, უთუოდ ის ურჩხული იყო, ცხვირის ადგილას კუდი რომ ება. ისე ხმამაღლა ლრიალებდა და ხარხარებდა, რომ ჩემოდნის საკეტები აძიგმიგდა. პასუხად პატრონის ხითხითი გაისმა. ასე შინ არასოდეს იცინოდა.

— ჰა! — დაიყვირა პატრონმა და ამით შეეცადა ლრიალი დაეფარა. — პა-ტივცემულო საზოგადოება! მე ახლა პირდაპირ ვაგზლიდან მოვდივარ! ბებია მომიკვდა და მემკვიდრეობა დამიტოვა! ჩემოდანში რაღაც ძალზე მძიმე დევს, ეტყობა, ოქროა... ჰა-ა! ერთიც ვნახოთ და მილიონი აღმოჩნდეს! აბა, გავხსნათ და ვნახოთ...

კლიტემ გაიჩხაკუნა. კაშკაშა შუქმა თვალი მოსჭრა ძალუას: ჩემოდნიდან ამოხტა და ლრიალით გაყრუებული, მთელი სისწრაფით პატრონის გარშემო დარბოდა და მხიარულად ყევდა.

— ჰა! — დაიყვირა პატრონმა: — ძია ფიოდორ ტიმოფეი! მვირფასო ძალუა! სანატრელო ნათესავებო, ეშმაცსაც წაუდიხარო!

პატრონი სილაზე გაგორდა, კატას და ძალუას ხელი სტაცა და ხვევნა-კოცნა დაუწეო. ძალუამ, სანამ პატრონს მკლავებში ჰყავდა ჩაბღუჯული, წა-მით გადავალო თვალი იმ სამყაროს, ბედმა რომ არგუნა წილად და განაც-ვიფრა მისმა სიდიადები. მერე პატრონს მკლავებიდან დაუსხლტა და შთაბეჭ-დილებებით გაბრუებული, ერთ ადგილზე ბზრიალასავით დატრიალდა.

ახალი სამყარო იყო უზარმაზარი და გაკაშკაშებული. საითაც არ უნდა გაგეხედა, ყველგან, იატაკიდან ჭერამდე, მარტოდენ სახეები მოჩანდა. სახეები, სახეები და სხვა არაფერი.

— ძალუა, გთხოვთ, დაბრძანდეთ! — დაიყვირა პატრონმა.

ძალუას ახსოვდა, რას ნიშნავდა ეს და სკამზე შეხტა. პატრონს თვალი აადევნა. როგორც ყოველთვის, მას ახლაც სერიოზული და ალერსიანი თვა-ლები ჰქონდა, მაგრამ პირისახე ცივ ლიმილს დაეღრიჯა, იგი ხარხარებდა, ხტოდა, იგრიხებოდა, ისე იქცოდა, თითქოსდა ათასობით ხალხის ხილვა ძა-ლიანაც ახარებდა.

ძალუამ დაუჯერა პატრონს, ირწმუნა მისი მხიარულება. უცებ მთელი ტა-ნით იგრძნო, რომ ეს ათასობით სახე სწორედ მას შემოსცექოდა, მელასებრ დრუნჩი ააღირა და ყევა გააბა.

— ძალუა, თქვენ ჯერ მოითმინეთ, — უთხრა პატრონმა, — მე და ბიძაჩემი კი კამარინსპულს ვიცეკვებთ.

იმის მოლოდინში, როდის აიძულებდნენ ყოველგვარი სისულეელების შეს-რულებას, ფიოდორ ტიმოფეის იდგა და გულგრილად აქეთ-იქით იყურებოდა. ცეკვით კი დაუდევრად იცეკვა. თითოეულ მოძრაობაზე, კუდსა და ულვაშებზე ეტყობოდა, უზომოდ სძაგლა ეს ბრბოც, კაშკაშა შუქიც, პატრონიცა და, ასე გასინჯეთ, საკუთარი თავიც... რაკი თავისი წილი იცეკვა, დაამთქნარა და დაჯედა.

— აბა, ძალუა, — უთხრა პატრონმა, — ჯერ ვიმდეროთ, შემდეგ კი ვიცეპ-
გოთ, კარგი?

პატრონმა ჯიბიდან სალამური ამოიღო და დაუკრა. ძალუა, რომელიც მუ-
სიკას ვერ იტანდა, სკამზე მოუსვენრად აწრიალდა და აყმუვლდა. ყოველი
მხრიდან ღრიალი და მქუხარე ტაში მოისმა. პატრონმა საზოგადოებას თავი
დაუკრა და როცა ისევ სიჩუმე ჩამოდგა, დაკვრა განაგრძო... ერთი ყველაზე
მაღალი ნოტის შესრულებისას, მაყურებელთა შორის ვიდაცამ ხმამაღლა შეჭ-
ყვირა:

— მამილო! ეს ხომ კაშტანკაა!

— სწორედ რომ კაშტანკაა! — დაუდასტურა ნაბახუსევმა, უდრიალა ხმამ. —
კაშტანკაა! ფედიუშკა, ლექროთ დიდებულო, კაშტანკაა! ფუი!

ქანდარაზე ვიდაცამ დაუსტვინა და ერთდროულად გაისმა ბავშვისა და
მამაკაცის ძახილი:

— კაშტანკა! კაშტანკა!

ძალუა შეკრთა და იქით მიიხედა, საიდანაც ძახილი მოისმა. თვალში ეცა
ორი სახე: ერთი ნაღვინევ, გაუპარსავი და უშნოდ გაღრეჭილი, მეორე — ფუნ-
ჩულა, ლოფაწითელი და დაფეთებული. თვალი მოსჭრა ამ სახეებმა, როგორც
ადრე კაშკაშა სინათლემ... კაშტანკას ყველაფერი გაახსენდა, სკამიდან გად-
მოვარდა და სილაზე აფართხალდა, მერე წამოხტა და მხიარული წკმუტუნით
მათკენ მოკურცხლდა. გაისმა გამაყრუებული ღრიალი, სტვენა და ბავშვის ყვი-
რილი:

— კაშტანკა! კაშტანკა!

ძალუა მოაჯირს გადაახტა, მერე ვიდაცის მხარს გადაევლო და ლოქაში
ჩახტა; იარუსამდე რომ მიეღწია, მაღალ კედელზე უნდა გადამხტარიყო; ისკუ-
პა, მაგრამ ვერ უწია და კედელზე დაცურდა. შემდეგ კი ხელიდან ხელში გა-
დადიოდა, ვიდაცის ხელები, ვიდაცის პირისახე აულოკა, სულ მაღლა და მაღ-
ლა მიიწევდა და ბოლოს ქანდარაზე ამოჰყო თავი...

ხახვარი საათის შემდეგ კაშტანკა უმავი იმ ადამიანებს მიჰყვებოდა, წებო-
სა და ლაქის სუნი რომ ასდიოდათ. ლუკა ალექსანდრიჩი ბარბაცებდა და
უნებურად თხრილებს ერიდებოდა, გამოცდილებამ ასე ასწავლა.

— ეს, ცოდვის შვილები ვართ... — ბუტბუტებდა დურგალი. — შენ კი, კაშ-
ტანკა — საოცარი ვინმე ხარ, თუმცა ადამიანისაგან ისევე განსხვავდები, რო-
გორც დურგალი ხუროსაგან.

ფედიუშკას მამის ჩიხაქუდი დაეცოსებინა თავზე. კაშტანკა შეჭყურებდა
გვერდი-გვერდ მიმავალ მამა-შვილს და ეჩვენებოდა, თითქოს დიდი ხანი იყო,
რაც ასე მისდევდა მათ კუდში და უხაროდა, რომ წუთითაც არ შეცვლილა
მისი ცხოვრება.

კაშტანკამ გაიხსენა ჭუჭყიანებდებიანი ოთახი, გაიხსენა ბატი, ფიოდორ ტი-
მოფეიჩი, გემრიელი სადილები, მეცადინეობა, ცირკი, მაგრამ ყოველივე ეს ახ-
ლა ეჩვენებოდა, როგორც ერთი ავი და უშტური სიზმარი...